

榮昌縣志卷四

知縣武進許元基纂

藝文

榮昌縣學宮碑記

朱運昌

榮昌縣自唐為元元邑後徙隸他州靡定八國朝來  
改今邑而邑庠則叛自洪武七年是邑之有名有絃  
誦昉自我聖祖迨列聖繼辟人文丕著而邑之弁紳  
後先起家為時用者趾相踵也則聖化所漸涵者遠

榮昌縣志

卷四

一

而山川靈淑之氣鬱而益壑以宣洩扶輿光大邦家  
機亦適相值矣邑有庠則肇自薛令大亨由大成後  
徙建明倫堂於東序即堂址祠啟聖公則嘉靖間胡  
令獻今徙建敬一亭於序東而列祠以祠名宦則李  
令嘉慶西為文昌祠鄉賢祠則吳令郡規已寢備矣  
歲久滋敝殿廡幾不稱瞻謁而號舍已鞠為塲歲萬  
歷庚寅予行部至而就謁則低徊慨之屬初令學易  
雅意作人為學官弟子員以檄得銳然任之鳩傭攄



材撤故易新寢殿中嚴楹廡在序庖湑瑛墉靚如飾  
如櫺星之旁夾植兩坊石礎堀立高可數仞而名則  
予所屬自經始以迄完繕僅三閱月力辦亟就則若  
有以相之者會予有入賀之役及濫筭叅藩而初令  
亦已遷入行有日矣諸學官弟子員吳生旦刁生時  
登喻生思忱寓書錦城來請謂予宜記以識一時而  
詔來系以愚謬悠無當於道即有記識安所傳述以  
為諸生勗則竊媿之蓋予聞之曰拓輯堂舍鼎新區

宇是有司者之修學也講求性命學為聖賢是師弟  
者之所修學也已夫學外未證實悟以求實用則一  
切坳力之說入矣而愚亦卑之無甚高論則所以薪  
樵諸士哉又巴渝俗尚奮之賓旅翫之舞夫興翫迭  
用而旅舞異應此皆勇習則然若夫豪傑之士宜無  
俟是又况有所以興之者乎勉旃矣是為序



重建普澤廟記

喻茂堅

榮昌縣普澤廟在縣治東北武許宋慶曆賜號普澤  
迄今相沿稱之及元至正間邑之父老復相地建像  
以祈神祐而廟祀益久其初專祀唐為巴川令因鎮  
瀘南有功授經略安撫使趙公諱延之以始公澤在  
蒸萌宜崇報也厥后增祀唐南康王諡忠武韋公諱  
臯與宋昌州守陳公於法得祀然亦祀有專祠矣昌  
人并肖厥像於茲廟者以義起之也自宋元逮國朝

榮昌縣志

卷四

三

歲五百餘載水旱災祥有求必應歲久廟貌傾圮垣  
墉弗飭嘉靖辛酉歲庠生何孔容善士陳讀朱采戈  
鰲及住持王玉朝等請於邑使東都李君捐俸為士  
民倡因重建祀神軒捧香亭新厥垣墉表以木坊其  
傍增建月庚樓而廟貌巍然翼然皆昔所未有也乙  
丑冬復以兵燹之故鳩材飭工益大新之境內瞻謁  
者靡不駭厥觀矣夫神以一州一郡一邑之主各以  
其能主此一州一郡一邑之民也三公生也直沒也



神千百世而下豈異後人之崇祀哉豈於其崇祀者  
而遽福之哉鑒其心不鑒其文於其誠不於其人君  
子降險夫降殃人無隱辟神有顯道氣無乖戾年  
乃順成感應之機固昭昭不爽也記曰聖王之制祭  
祀也以勞定國則祀之能禦大災捍大患則祀之三  
公功德不磨久已在在崇報豈獨私於昌人而士君  
子求與合德者則在此心不徒禋祀已也僉曰然是  
用陳詞勒之貞石隆慶辛未歲孟夏吉日



刑部尚書月梧喻公墓碑

楊慎

喻氏之先本豐城人正統中始移江右之籍僑跡巴南之滎昌因家焉奕世樹郭潛業弗耀而啟祉發祥基矣其二十有八年己酉冬刑部尚書月梧喻茂堅懇乞休退得溫旨致仕全歸又數載歲在丙辰初立贈資政大夫刑部尚書啟慶公神道碑名其文月梧公自製也叙其遷徙廬里始終歲月窀穸兆窆雲仍繁衍詳且備矣以慎二榜同年屬以桓楹緒言慎也

滎昌縣志

卷四

五

諗聞鄉評喻氏世德然然唯唯維桑口碑乃齒世德阡記按登科錄尚書公曾祖曰宗祥墓於豐城西祖曰志善父曰洪深妣氏曰姚公始為縣令征為御史出為大郡歷布政司陟晉卿位三十九年而以八座歸屢封先代如公官祖妣及妣皆贈為夫人可謂極榮而異數也公配郝氏暨吳氏贈若封并為夫人其誥勅之詞神道碑略具茲不重出也嗚呼金紫之服千鐘之祿見其後矣又見其先也見其位矣又見其



德也匪為之先莫為啟之匪為之後曷以嗣之月梧  
公歷敷中外斤斤其明濯濯其聲更令臨海金山有  
去思之碑督運淮陰城樓有僧元之屨按閩中大伸  
宿免康殿元有真御史之頌守恒山卻賣宦楮林司  
空有聳壑昂霄之軸至為司寇秉直特建經德不回  
當宁知之雷霆之下屢為霽威法有關於道揆法守  
者則惟明克允以弼教典有關於昭代條例者則陳  
力弭變以明刑君子之論曰陶唐之年上有放勳下

榮昌縣志

卷四

六

有咎繇自我國朝上有聖君下有法臣嗚呼休哉然  
則喻氏世德在前而位發於公公之所建立若此又  
將詒之子姓耳孫孳無窮矣慎因夙從太史後庸  
無實書乎乃為之銘詩曰岵岵者山或麓或巒有基  
墉立厚卜宅安林林者水或源或委流之斯川滙之  
斯汭天寶物華發為名家爰遷昌元龍光其賒綸綽  
賁祐煒耀宸松碩彥實碣過軼必式徵之蟬嫣水山  
罔愆於以篆之世德之阡



劾權璫魏忠賢疏

喻思恂

臣惟自古宦官之禍釀於肘腋成於近習中於宮府  
貽於社稷而其原實起自一念無君無父之心憑藉  
一時易縱易逞之勢職守不敢彈乘輿不敢斥萬一  
禁之不早仍復除之不嚴俾其拚飛於不可測決裂  
於不能救則歷覽前代之事可得縷縷指也臣讀易  
至開國承家小人勿用心思人主自為國家計猶且  
勿用小人以稔亂胎矧我皇上實開中興之運承丕

崇昌縣志

卷四

七

顯之基顧以刑餘為周召而令腐身薰體之人潛伏  
左右恣行威福閤宮咋舌通國寒心有如宦官魏忠  
賢者憲臣列狀以聞始邀諭責小臣連章而請未見  
施行可乎忠賢品流卑賤心性貪殘目不識丁巧能  
飾詐我皇上信以為忠而莫辯其大不忠名之為賢  
而靡覺其大不賢者良繇身雖毀穢衷甚奸回有時  
包藏小機小變取皇上之歡欣又時假借小善小忠  
以干賞鑒所以得冒居尊顯久厭寵榮一任罔欺不



露破綻耳試跡其行徑數其罪辜在諸臣具奏之疏  
纍纍不罄亦既炯若列眉悉如擢髮其忠賢自造之  
孽件件非虛亦既詭同鬼域慘如戈矛臣即喋喋再  
陳更奚有重且距於二十四款者意我皇上朝經電  
照夕震霆威頓清黼扆之姦大洩神人之憤乃猶然  
惜誅戮於豺狼加生全於蛇虺也臣竊仰窺皇上天  
縱聰明原不難於詳察審聽性天英武又何憚於勅  
罰明刑或者以忠賢諸條俱實萬死難逃茲且暫留

榮昌縣志

卷四

八

要領徐膏斧鑕而不知從來邪慝之在君側其未發  
也患人主之不知其既發也又患人主之不斷故去

惡莫若除賊病於需誠恐稍隨優柔漸成牽戀迨

盡

後遷延時日忽然移易神情雖百鍊之鋼可化為繞  
指即太山之大可眯於簸糠一旦養成羽毛握定魁  
柄債盈無忌勝氣籠霄向為我制者反來制我前欲  
我容者卒令我畏無窮之禍有不忍言則加膝若假  
其噬臍拔山愈滋其固蒂矣姑息養癰踟躕腊毒後



即能悔何益之有伏乞皇上揭日月之明用霹靂之  
手概將諸陳條上忠賢事蹟乘天道昭彰之會人情  
鬱怒之秋通縣朝市布告多方或逮付法司按情加  
律或驅投荒裔賒死須臾則禁廷清肅聖治精嚴於  
以保國家寧以安中外皇皇疑畏之心以鞏二祖十  
宗永永靈長之祚天下幸甚臣愚幸甚



羅漢寺生佛洞碑記

光時亨

洞之以羅漢名也而寺因之相傳唐帝幸蜀此地與有護持功斷碑龍文懸壁未泯其阿羅各像各具一天招提莊嚴色相稱最盛多歷年所而寺漸頽廢緇流漸少形家懸殊其說余謂寺既以洞得名則盛衰必由於洞議修寺而忘洞者是置母覓子也考洞中阿羅原五百有五十其入寺者什一耳在洞遺像零隕令見者不生敬恭而生惻愍其前止宜構廠亭以

榮昌縣志

卷四

十

受日光令山靈出入有路作者乃施宗臺巨殿猶橫大山於眉睫之前非不巍峩未免障礙茲難驟去止於洞內稍加整頓去淤塞遺像可還本色者存之不則寧付波臣不謂慈悲熱腸遂不可處於澤國令此洞面目復開僧之靜惠者移灶可茶施蒲可坐厝香鼎可禮旃檀寒可待月暑可候風來貝葉自翻鉢可分烏雀高士異人過可譚海外指點唐皇某歲月經此寇不敢犯可記憶古今成敗雲興於傍泉鳴於上



以視阿羅枯禪入定更別有一種生趣予故易其名  
曰生佛洞不止於往昔言也見者樂施歡喜讚嘆寺  
必復興向於萬松寺開瀑松崖何意不數月遂與石  
靈結二緣乎是為記



石靈舟引

光時亭

邑故有思濟橋襟帶城西顏其名者自宋文潞公重建之者則本朝侍御徐公也橋高僅八尺許因其地勢宜然每值巨浸湮沒行人邨外覓渡漁舫輒多淪溺邑人高居士世會日暮一巨艇以濟余喜而成之蓋先年募建新橋於上流者高出舊橋之半將來旋為河伯所齧石填委水道淤窒不行新舊俱圯余既採羣論鳩集士紳捐金運新橋之石修城復葺舊

崇昌縣志

卷四

十二

橋還其故屬峯高驛尹丞去網并董之未四閱月城功竣橋功亦竣嗟乎物之廢興盖有其數哉于時益信此艇之不可已也夫古人舉事恒因其勢之所易就而順夫民之所樂超水之有高下也勢也石以剛禦水水以柔受石勢之宜卑者強增而高自必傾豈獨水石為然哉若夫石窮而引以木石沉而下水浮而上凡夫使命乘輿之所往來商賈士農之所行止雖在飛濤駭浪鼓柁而踰無阻焉舟未嘗與橋爭功



而言濟渡之功者必兩歸之客有進曰聞先生欲易  
思濟之名為石靈有說乎余曰有之方運橋石修城  
之日忽有靈犀剖於石腹膚文靜質宛然欲生且隱  
隱具卦畫之象此石之靈也將以名橋而不願易前  
賢之舊今特以名此艇也夫崇禎十年季冬  
縣城西有橋一座上通省會下達渝州昔名思濟橋  
乾隆二十一年縣令唐率紳士改建更名廣濟橋橋  
洞有七丈橫濶二丈高倍之計費四千有奇



斷香銘

即丙子解元劉泌妻尹氏其詩載名媛詩歸

鍾惺

斷香銘者銘吾友蜀人劉晉仲之婦尹氏之墓也君諱紉蘭叙州府宜賓縣人大叅尹子求先生之女也記已酉子以喪子狂走白門先生為南職方郎嘗為余言其壻劉郎七歲能詩劉郎者給諫勿所公仲子即今所稱劉晉仲者是也安知其有女慧如是然其時猶然女兒習玩不知書既歸晉仲晉仲妹文玉詞翰妙敏心悅而好之相與為友始讀書稍稍為詩精

榮昌縣志

卷四

十四

神起落常出人意意外佳處不必由思思者反是無關係處久之從晉仲省尊公於燕由蜀江入峽由峽入淮由淮達運河竹樹逢迎烟日爭讓舟行遲緩可以為家得一意為詩其篇時全時缺缺則聽之缺於此或全於彼有絃摧柱折援他琴以續之之意子讀其詩骨散神寒音節清曠如病葉偶然從風而墜或中捐之附枝翅鳴不能自致於地如暗泉之阨於石而不能自竟其響此斷香之旨也至燕亦有詩全缺如



之久之意忽忽無主有秋冬氣晉仲憂之曰我亦不知至是亦不甚作詩作亦不以示人晉仲檢其枕中所藏如其全與缺而存之頃之卒年甫十九鐘子曰世所不常有者才人所不可無者友才而為我友友而為我婦婦而才相當晉仲以為能永乎不能永乎銘曰丈夫才而鬼瞰之矧其在女子之躬也好友在四方而造物或收之矧其在閨閣之中也劉子者憐才乎求友乎悼亡乎將尋香於落葉暗泉之間乎噫



新建魁星樓尊經閣敦學齋碑記 何毓聰  
昌元地當巴蜀之中其疆宇則隆足雲聯永瀘  
繡錯其形勝則羣峯競起二水合流山川都麗  
幾甲於全蜀其靈秀所鐘歷晉唐宋明代有傳  
人迨及我

朝崇經學而尚行昌元人文亦復華實並茂獨

科名尚相間一發豈其人傑而地未靈歟抑亦  
培植文脉與百工居肆之道未盡耶余於甲子

榮昌縣志 卷四

十六

夏謬任茲學首謁 聖廟嗣拜 文昌仰瞻廟

貌改作之思不覺怦怦而動然不敢輕出諸口  
謂其勞而且費也嗣後諸生來謁率以振興文  
教請而余亦未敢輕吐其意越丙寅

帝君聖誕諸生雲集拜奠之餘余乃微露其意而諸  
生無不以為當興爰以達之

邑侯許公公曰榮邑 文昌宮文廟之左輔也培  
文昌宮實以培文廟也吾儒根本之地顧不重歟



余自讀書服古慨然想見文翁之為人下車以  
來朔望行香非不動風雨飄颻之感乃蒞任八  
年而不舉者亦以治不逮夫龔黃政未優於教  
養夫是以寬其時於有待也諸生是舉何其適  
獲我心也余其捐俸廉以為之倡公於是詳為  
規畫謂 文昌宮雖陋然制猶高敞舊貫可仍  
一為整飭便宜改舊觀惟前 魁星樓飄颻於  
風雨中改作宜急移而建於 文昌宮後以為

崇昌縣志 卷四

十七

聖廟左翼庶幾根本立而其餘可漸次舉也至  
魁星樓之制準以三層最上者 魁星居之中則  
為尊經閣用以貯

列聖所賜之書其下為數學齋為諸生講習月課之  
地未知當否先生其與諸生圖之余以公意轉  
示諸生莫不踴躍贊嘆曰美哉公意一舉而數  
善備焉余乃體公雅意揀擇諸生取明經余君  
邑庠雷君翁君孫君之近者總領厥事其遠居



四鄉者各里立二名以為領袖余亦不敢憚煩  
司其出納鳩工力作大興土木闔邑士民欣然  
樂助不半載而樓觀厥成余登眺其上仰視羣  
山咸歸指顧俯察二水如帶縈迴不覺其喜洋  
洋嘆公規為之善與措紳士民之能成大觀也  
自茲以往靈星克受經籍有度而諸生講貫肆  
業於其下行見經術修明其功名事業安知不  
與晉唐宋明之傳人後先輝映豈第科第蟬聯

而已哉則是舉也不必為科名計而植其根而  
培其本直操左券耳後之垂紳措笏而登此樓  
者當必有穆然懷想於創業之艱而培補勿替  
者歟是為記



文林郎知榮昌縣事王試訓補入

旌表節孝吳孺人墓碑

乾隆十五年庚午夏予捧檄守是邦甫蒞任值  
邑孺諱景著李公妻吳孺人蒙

旨旌表節孝 賜建坊 授享祀誠勵世維風盛事

予若不能釋然者竊以節貞操也孝至德也其  
家非詩書禮樂之傳其代無積德修行之實欲  
獲名媛以植天地正氣資朝廷化理亦綦難矣

榮昌縣志 卷四

十九

公顧何以炳烺於一時也耶及覽詳冊遂觀志  
乘自古碣訪鄉耆知孺人父鴻儒實明進士建  
嗣孫鐘毓有自矣公之先代曰人儀明景泰進  
士官御史劾石亨盡其忠曰文中成化進士曰  
汴中是朝舉人聯芳有譽後復科名接踵冗宰  
方州神宗朝三卯三第中乙卯諱為翰者公之  
曾祖也崇禎拔貢諱彥奇者公之祖也至我  
國朝職列同知諱世傑者公之父也奕葉書香人皆



爭羨公好學能文克殫其業奈年三八玉樓即  
召而孺人絕粒三朝誓以身殉聞諭親老子幼  
爰志栢舟事姑朱氏親嘗湯藥尤深慎終奉繼  
姑鄧氏怡色柔聲倍加敬養舉凡婦儀大勝子  
職迨教育兩生法和丸畫荻次子名照童年補  
增庠遂修文地下幸遺孤名廷棟更慶媳亦孀  
居今遇公事至予室者孺人長子太學生名慰  
者也此節此孝一一詳載事實冊而已呈貯

榮昌縣志

卷四

二十

皇屋然後知善非外來名不虛作二姓在前明科甲  
相輝人文互映必處世楷模聖賢傳家準繩忠  
孝詩禮浸淫德行醞釀有以點合彼蒼而食報  
孺人前令許諱元基贈安節能亨之句魯諱克  
讓申純孝勁節之詳胡諱嶠稱其圭青壁白林  
諱斗魁比以蒼松秋霜微特象譽藉藉而且  
思旨煌煌予何而不釋然也哉嗚呼世雖不乏節孝  
惟孺人享叡餘歲貞操彌堅躬承菽水至德愈



純緣節盡孝孝有實徵本孝完節節非獨全由  
是上行下效捷於影響媳又以節承養仿孝酌  
勞一門共守兩世同操慰生更天性純篤孝友  
因心其他致愛致敬諭志承顏予雖未悉然聞  
彼桑口碑母在而明發不寐就養無違克盡繼  
述者李生也母歿而築塲守墓麻衣草履三年  
如一日者李生也休哉李氏乎何母孝子亦孝  
姑節媳亦節忠見於往代孝萃於當今乎夫節  
符天心孝感鬼神自眷佑不已錫福靡窮門閭  
高大子姓繁昌人文駸駸日上餘慶必不可量  
此雖孺人潛德流光實

榮昌縣志

卷四

二十一

皇仁下覃所致也予夙步南後躬任茲土適逢其盛  
敢有諛詞乃銘於墓石曰翼翼綿綿李氏之業  
邃邃冥冥孺人之宅埋香骨於泉台播芳名於  
簡冊既源遠以流長自地靈而人傑

賜進士出身文林郎知榮昌縣事唐學海撰



重修榮昌學宮碑記

知縣唐學海謹撰

榮昌學宮創者修者載在志乘由來久矣坐擁  
玉屏俯窺寶蓋聖登山峙其左思濟河繞其右  
山水之秀畢集於茲宜乎自昔至今名臣接踵  
奇才輩出卓然一巴西巨邑也但歷年既多不  
無有待於修理者予蒞茲土慨然有振興之意  
賢士劉生芳桂李生慰教生翔楷金生宏中李  
生松喻生能實喻生宏正進見曰重修學宮工

榮昌縣志

卷四

二十二

程浩大請先將坊表之舊者新之泮池之塌者  
整之照牆之崩頽者易之予以為興建之事  
誠宜次第舉行於

羣和卜吉鳩工經始

於辛未之冬迄壬申夏而告成雖由

先聖之靈實賢士敦崇

聖學之所致也夫坊表者學宮之眉宇也爾乃矗起  
峻特拔地倚天巋然如我冠嶸然如華蓋如朝  
宰之正笏閣門百僚整肅如將軍之帶劍登壇



辟易千人覩斯坊者其將有龍飛天路鳳起雲  
關之思乎若夫碧水圓明繚青縈白石欄迴合  
拱星列屏風生翠浪以清爽日照金塘而灼爍  
如坐月中如在鏡面睹斯池者其將有明霞挹  
袖彩旭標襟之思乎至其鋒稜峭立挿漢干霄  
象尊嚴而可矜勢騰蹕而直上超超自異擁百  
丈之朱霞矯矯不羣照九天之俊彩覩斯墻者  
其將有壁立千古雄鎮萬方之思乎他日大道

榮昌縣志 卷四

二十三

昌明人文煥發上黼黻

皇猷下以利濟蒼生照耀人寰光輝史冊使天下艷

羨榮昌學宮之士也則予竇有厚望云

乾隆十七年壬申季夏之吉



詩

別詩

劉時俊

浮雲起天末白日何荒荒置酒臨高臺悲風逐我翔  
念我飄零客與子暫相將子去我且留慷慨激中腸  
去亦不成歸留亦等故鄉遠近各一身世路正悠茫  
請為別鶴吟四座慘無光願言共努力日月遙相望

寄鐘伯敬

萬里關山落日愁風烟回首仲宣樓思君似在雲深

榮昌縣志

卷四

十六

處步澤微吟起白鷗

至平望驛謁先大夫生祠祠在平望寶帶橋口  
係先大夫捐築故吳民立此祠以祀之

其一

遙望我心惻慈顏行且親瞻祠惟有像隕涕欲無聲  
燈火懷遺澤精魂翼舊民只茲塘上路已足想辛勤

其二

四載松陵治垂留芳至今苦棕歷可想游子忍為心



生事家人怨遺蹤父老欽神明應聚此慘淡立江陰  
其三

心手經營地生平最不忘去久長相憶深情如故鄉  
典型垂士吏牲璧代蒸嘗慚愧負薪子箕裘懷暗傷  
其四

猶憶庚申歲相從來此過入祠相顧笑撫景動悲歌  
雅志未酬一游魂知恨多英雄猶有淚風木慟如何  
即席有感

榮昌縣志

卷四

十七

筵前聞樂不勝悲羞戴南冠晏毳幃折矢未消南子  
恨長戈更向漢兜揮草間卧骨啼霜月磧裏飛磷避  
鉄衣漫說挽河須壯士大阿於我嘆知稀

深夜坐吟

尹紉蘭  
劉泌妻

漠漠長空似水清金波淨滑月輕盈微風夜半添衣  
冷弱柳千枝帶露明滿院春容鎖不住一翻花信為  
誰驚沉吟深夜愁無緒金鴨寒窓畫竹橫

乍晴



雲捲山才霽平江一段清孤光時隱現淡淡遠烟橫  
梅花

東風吹斷朝烟冷老榦窓前橫瘦影輕羸玉骨霜前  
傲五出迎風粧不整

塞下曲

朱懷瓊

劉泌  
繼妻

飛沙煙霧裏鼓角聲未休殺氣一輪苦羈心萬里愁  
迢遙邊地濶寂寞北庭秋戍火連星密孤生感白頭

落花

榮昌縣志

卷四

十八

風雨移春遠殘紅歷亂飛忍添游客淚來點異鄉衣  
林表鶻頻促簷前柳若堆餘香閒裡盡斂恨向晴暉

麥浪

佳辰開霽散新暉風拂郊原麥正肥乍起一池春水  
皺徐分千曲漪紋微漫勞蕩漾樣鷗難浴渾若汪洋艇  
未依此日游人堪詠賞化工難盡洵天機

水中鴈字

露冷蓮房秋暮辰晴空征鴈啞江濱依稀似暎漏痕



影徙倚如沉釵脚真幻蹟連雲猶載水踈行倒羽未  
沾塵波光蕩漾疑舒腕敲正相宜幾入神

九日對雨作

喻思超

風雨暗邊城悲秋氣未平酒從鄰舍覓詩向菊籬生  
舊夢龍山宴新愁粟里名非緣文字癖祇動故園情

文筆峯

在榮邑社稷壇後

喻椿年

荒煙立埽待編年載在圖經始見全遙射重霄光若  
矢落搖五嶽巨於椽名花綻夢傳先哲澹墨書題兆

榮昌縣志

卷四

十九

後賢繼起人文當占勝無煩太

杖燃藜

道傍古樹

劉善復

厭向宮庭列怡然植道傍盤根歷舊路老幹傲新霜  
踈落冬多致靈竒夜有光南山堪作侶歲久色尤蒼

冬至

葭飛律應早驅靈又見天心此日來閒坐書齋看鵲  
起那從江畔聽猿哀朔風未改猶敲竹陽氣初回欲  
綻梅人事似同詩思轉談心良夜好啣梧



文林郎知榮昌縣事王式訓補入

憶母志

李慰

劬勞恩罔極母氏更堪傷  
夢斷河洲鳥魂驚  
苦國墻啼號枯淚眼  
婉轉結柔腸  
決命寧無志捐  
軀覺有妨  
孝慈全力任  
辛苦一身當  
幸得承

褒典先嚴並表揚

過石河有感

李慰

幾度行行過石河  
巍然碑刻觸情多  
慈顏空恨

榮昌縣志

卷四

二十

埋青草錦字徒瞻覆綠莎

遙山橫慘霧潺

潺野水逐寒波  
滿懷苦幽明隔猶幸

綸音勝綺羅

憶祖母有感

祖母矢志撫孤伯與父皆幸成立  
而父復早逝今祖母蒙恩旌表

建坊入祠而棟一身惻々惟  
伯是倚每一念至不勝愴然

李廷棟

影隻孫懷慘含芳  
祖節貞餐松傷兩世  
齒栢痛

三生閨閣扶元氣  
鄉閭感至誠  
揄揚當事喜題

奏



聖恩旌表道坊牌麗歸祠俎豆榮雖稍酬夙願猶自  
恨孤聲封誥思

恢典功名愧小成悲遊仙已久無復效陳情  
旌表節孝李母吳孺人贊

毓坤之秀為女之良才肩道韞德侶孟光慨欽  
鳳之分飛志同金石悲鏡鸞之孤掩潔比秋霜  
問安視膳子以媳  
荻和熊師以母將爰是

膝下騏驥門中

聲璧水照弟名噪

榮昌縣志 卷四

二十一

膠庠幽光聿賁

九重之曠典坊垂四字

一人之綸綍語錫三行 歐母與陶母誠共姜而敬

姜庭幃淑範正樂贊揚勉作巴曲慶頌彌長

任重慶府巴縣儒學教諭通江姪李夏謹撰

